

Dr Dösch wor jedeckt ..

Dr aule Pitter Arnolds, dr Vatter von usem 91 jöhrige Wellern Arnolds haht e mol jätt en Düsberg te donn. Met dr Iserbahn te fahre, wor te ömständlich; wenn he nom Lengtörper udder Angermönger Bahnhof jing, wor he schonn halwegs Düsberg. He trokk drömm vür, te Fu-et te jonn, dat wor jesonk on he sparden och noch ne halve Drüttender.

Wie he die Besorjunge en Düsberg erledigt hadden, jing he om selve Wäch te Fu-et trükk. Suh moß he och am „Familjehus“ vörbe-i, on et wor janz selvsverständlech, dat he do dr Familje Köster, die lange Johre sinne Nachbar jewest wor, jude Dagg sahre moß. Och wor he verdahl döchech müd on he woss, dat de Frau Köster en juht Tass Kaffe kocke könnt. Als he am Huhs ahnkohm, stong de Dühr sperrewieht ope (em Familjehus wor et nie muhde, de Dühr afteschluhte, die stong Dach on Neiht ope). En dr Stuev wor ke Mensch te senn. Off och dr Pitter Arnolds hatt ri-ep, et melden sech kenne — dat janze Huhs wor utje-storve. Dr Dösch wor äwwer jedeckt! En Kann heite Kaffe, Buhreplatz, Botter on Appelkruht, on alles, wat to-u nem jute Frö-estöck jehuden, stong do. Dr Pitter Arnolds makken sech kenn Jedanke drüwer, wo wähl de Frau Köster sinn meugt — he satt sech an dr Dösch, on fing ahn te ehte. He deiht sech, dat schonn ömmes kuhme dieht. Äwwer et kohm kenne — wie he sech also rönk-eröm satt jejehte had, jing he fott, ohne e Lebensze-iche to hengerloote.

Als de Frau Köster ut em Bosch trükk kohm — se wohr jejange, öm eweskes jätt Holt te hole on de Hippe Widder te pöhle — wuht et Öhr he-it on verfiet, dat de Kaffepott le- disch on dr halve Weck verschwunde wohr. Dr Jonges woren en dr Scholl — se könnt sech nu nitt denke, we be-i Öhr Kaffe jedronke haht. Se hätt lange Tiet drüwer semmeliert, we dat wähl jewässt sin könnt.

No Monnde hät minn Modder dr aule Arnolds Widder jetroffe. Do seiht de: „Ech dank öch reiht häzzlech vor dat schöne Frö-estöck, wat ech be-i öch jekrege hann“. Do jing minner Motter en Lö-et op: „Och, Ihr siehd dat jewässt? Jezz bön ech wenigstens ut demm öschel erut, we dat wähl je-wäst sin könnt. Hoffentlich hät öch dat Frö-estöck juht jeschmeckt.“ Bedds hant dann häzzlech tesahme jelacht on min Motter hät sech am meiste drüwer jefreut, als dr Pitter Arnolds seiht, su juht häht em lang ke Frö-estöck mieh jeschmakkt.

Hubert Köster

